

supradictis electus, & a Nobis vel Successoribus nostris, ut supra, datus fuerit, vel confirmatus in Professore, & per biennium Cathedrali moderatus fuerit, atque attestationes de biennio completo vel proxime complendo, Capitulo Provinciali exhibuerit, servatis omnibus & singulis nuper dictis, a Capitulo ipso Provinciali in Regentem vel Baccalaureum, prout sibi spectatis meritis convenientius videbitur, perinde acsi vere, realiter, & non per equipollens, Magisterium predictum Studentium Bononiae complevisset, postulari similiter possit, ac debeat.

IX. Ubi denique aliquis electus & datus, sive confirmatus fuerit, ut praedictum est, in Professore, postquam biennium praemissum, vel etiam Magisterium Studentium Bononiae, cum postulatione antedicta ad Regentatum vel Baccalaureatum, perfecerit: & per aliud quadriennium in Cathedra S. Thomae praestiterit supradicta omnia, modo pariter dicto, atque Attestationes praefatas de eo peracto vel proxime complendo, ad Capitulum Provinciale detulerit, in Magistrum Provinciae cum loco & voce a Capitulo ipso acceptari possit ac debeat in omnibus & per omnia, ac si Regentatum ipsum aut Baccalaureatum in Studio Generali Bononiensi realiter & cum effectu absolvisset. X. Nemo vero contingat, praedictas a Nobis Postulationes ad Magisterium Studentium, Baccalaureatum, vel Regentatum, Professore ex eo denegari a Provincia, quod per Nos & Successores praedictos, numerus postulandorum praefigatur; concedimus de gratia speciali pro futuris perpetuo temporibus, quatenus quotiescumque postulandus occurrat ad aliquem praedictorum Graduum aliquis ex futuris Professoribus, numerus ille pro tempore praefixus pro Professore ipso augeatur; ut idem non tanquam supranumerarius, sed intra numerum ipsum, & quidem modo, loco, & ordine, quos ejusdem merita respective, ad alios postulandos exigent, re ipsa postuletur. Reservamus tamen Nobis facultatem, ad ea addenda, quae ad supradictorum firmiter executionem aut clariorem expositionem, opportuna a Nobis ceteri poterunt; quemadmodum ex supradicto Chirographo Sanctissimo Nobis & Successoribus nostris praedictis reservamus facultatem, ut si quandoque contingat, per Capitulum Provinciale impediri, quo minus Professor aliquis, supradicta habens requisita, merita, & opera, postulationibus ac gratis praemissis fruatur, ipsum auctoritate Apostolica in eorum possessione ponendi & conservandi. Non obstantibus quoad omnia & singula haecenus dicta Statutis Ordinis, Provinciae praedictae Legibus, aut Privilegiis: Brevibus quoque Innocentianis, sive Decretis Apostolicis de Quindennio integro pro Magisterio simplici requisito, de equipollentia tollenda, deque aliis quibuslibet, ceterisque quibuscumque non obstantibus, quae idem Sanctissimus voluit non obtinere; & quibus auctoritate Nobis ab eodem Sanctissimo benigne commissa per praesentes derogamus, & derogatum esse declaramus. In Nomine Patris, & Filii, & Spi-

Et ad Magisterium S. T. cum loco, & voce.

Aliud Privilegium auct. Magistri Ord. concessum.

Præservatio facultatum. Magistro Ordinis.

ritus Sancti: Amen. Datum Romae in Conventu nostro Sanctae Mariae supra Minervam die XVIII. Februarii MDCCXXX. Fr. Thomas Ripoll, Magister Ordinis. Loco * Signilli. Regist. fol. LIX. Fr. Dominicus Ponsi, Magister, Ex-Provincialis, & Socius.

Supplicis petitionis continuatio.

Confirmatio Apostolica, cum opportuna praeservatione.

Clausula.

Decretum iterum faciens.

singulis, illorum tenoribus praesentibus pro plene & sufficienter expressis, ac de verbo ad verbum insertis habentes, illis aliis in suo robore permanens, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud S. Mariam Majorem sub annulo Piscatoris die 16. Aprilis 1732. Pontificatus nostri anno Secundo.

F. Card. Oliverius.

LIX.

Dat. die 30. Aprilis 1732. Pontif. An. II.

Confirmatur Decretum Congregationis Particularis, a Sanctissimo Domino Nostro deputatae, super observantia Constitutionum Aegidianae & Carpenensis; & exhibitione & Archivatione instrumentorum pro Communitatibus & Universitatibus Provinciae Marchiae.

CLEMENS PAPA XII.

Ad futuram rei memoriam.

Nuper a particulari Congregatione nonnullorum Romanae Curiae Praelatorum, a Nobis deputata super observatione Constitutionum Aegidianae & Carpenensis in Provincia nostra Marchiae, emanavit decretum tenoris, qui sequitur, videlicet:

Decreti tenor.

§.1. In Congregatione particulari a Sanctissimo Domino Nostro Clemente XII. deputata RR. PP. DD. Merlini, Guglielmi, & Mei infrascripti, super observantia Constitutionum Aegidianae & Carpenensis in Provincia Marchiae, habita die 5. Junii 1731. resolutum fuit: Constitutiones Aegidianam, & Carpenensem servandas esse juxta modum; Modus est, quod idem Notarius stipulans absque ulla mercede, praeter illam consuetam stipulationis sive rogiti, teneatur exhibere infra terminum dierum quindecim a die stipulationis Notario illius Judicis, a contrahentibus eligendi, coram quo fieri debet insinuatio, eadem copiam publicam juxta Bullam Sixtinam archivandam, una cum instrumento originali, ad hoc ut praedictus Notarius Judicis insinuationis, ad instantiam unius vel alterius ex contrahentibus, sive de eorum mandato, more solito illud insinuet, fidemque insinuationis faciat tam in margine dicti instrumenti originalis, quam copia archivanda: reservata tamen facultate contrahentibus praedictos Notarios stipulantes cogendi ad praefatam exhibitionem instrumenti originalis, & copiae archivandae infra dictum terminum dierum quindecim. Factaque per me die subsequenti sexta ejusdem mensis Junii relatione Sanctitati Suae de praedicta resolutione, Sanctissimus illam approbavit. N. Archiepiscopus Nazian. Auditor.

§.2. Cum autem, sicut dilecti filii Communitates, & Universitates, & Homines dictae Provinciae Nobis subinde exponi fecerunt,

ipsi decretum hujusmodi, quo firmiter substat, & servetur exactius, Apostolica confirmationis nostrae patrocinio communiti plurimum desiderant; Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus, eorum nomine Nobis super hoc humiliter porrectis, inclinatis, decretum praesentium auctoritate Apostolica tenore praesentium denuo approbamus, & confirmamus; illique inviolabilis Apostolicae firmitatis robur adjicimus, ac omnes & singulos juris & facti defectus, si qui desuper quomodolibet intervenerint, supplemus.

Confirmatur.

§.3. Decernentes, easdem praesentes literas semper firmas validas & efficaces existere & fore, suoque plenarios & integros effectus sortiri & obtinere; ac illis, ad quos spectat, & pro tempore quodcumque spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Clausula.

§.4. Non obstantibus praemissis, ac Constitutionibus & Ordinationibus Apostolicis, necnon, quatenus opus sit, dictarum Communitatum & Universitatum Provinciae hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis ac ad verbum insertis habentes, illis aliis in suo robore permanens, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

§.5. Volumus autem, ut earundem praesentium literarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica Dignitate constitutae munitis, eadem prorsus fides ubique locorum tam in Judicio quam extra illud habeatur, quae ipsis praesentibus haberetur, si forent exhibitae vel ostensa.

Datum Romae apud S. Mariam Majorem sub annulo Piscatoris die 30. Aprilis Pontificatus Nostri Anno Secundo.

F. Card. Oliverius.

LX.

Dat. die 29. Maji 1732. Pontif. An. II.

Confirmatur Decretum, ab Abbate & Officialibus Congregationis Ecclesiasticae, sub Invocatione S. Petri in Conventu Sanctissimae Trinitatis Mexican. canonicè erecta editum, ne mulieribus in eorum Collegium, Hospitale, Domus, & habitationes pateat aditus.

CLEMENS PAPA XII.

Ad futuram rei memoriam.

Faci scias.

EXponi Nobis nuper fecerunt dilecti filii Abbas & Officiales Congregationis Ecclesiasticae, sub invocatione S. Petri in Conventu Sanctissimae Trinitatis Mexican. in Indiis, canonicè (ut asseritur) erecta, quod ipsi cum approbatione venerabilis Fratris moderni Archiepiscopi Mexican. Decretum ediderunt, ut mulieres cujuscumque status & conditionis, etiam in casu infirmitatis, eorumdem exponentium Collegium, Hospitale, Domum, & quamlibet aliam dictae Congregationis habitationem ingredi nequiverint, itaut decreto hujusmodi sub quovis praetextu nec a quolibet Ordinario, neque ab Abbate, aliiisque Officialibus, nunc & pro tempore existentibus praedictae Congregationis Ecclesiasticae, derogari unquam possit.

§. 1. Cum autem, sicut eadem expositio subjungebat, ipsi exponentes, Decretum hujusmodi pro firmiori illius subsistentia Apostolica confirmationis nostrae patrocinio communiti, plurimum desiderant; Nos ipsos exponentes specialis favore gratiae prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis Sententiis, censuris, & poenis, a jure vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus, eorum nomine Nobis super hoc humiliter porrectis, inclinatis, de Venerabilium Patrum nostrorum S. R. E. Cardinalium, Concilii Tridentini Interpretum, qui votum dilecti filii Nostri Ludovici ejusdem S. R. E. Cardinalis Belluga nuncupati, ad ejusmodi negotium examinandum a praedicta Congregatione Cardinalium deputati, attenderunt, consilio, supraenunciatum Decretum auctoritate Apostolica tenore praesentium, approbamus & confirmamus, illique inviolabilis Apostolicae firmitatis robur adicimus: salva tamen semper in praemissis auctoritate Congregationis eorumdem Cardinalium.

Confirmatio Decreti, de quo in Rubrica.

§. 2. Decernentes, easdem praesentes literas semper firmas validas & efficaces existere & fore, suosque plenarios & integros effectus sortiri & obtinere; ac ab illis, ad quos spectat & pro tempore quodcumque spectabit, inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere; ac irritum, & inane, si secus super his a quoquam quavis auctoritate scienter vel ignoranter contigerit attentari.

Praesentium Literarum observantia.

tum & inane, si secus super his a quoquam quavis auctoritate scienter vel ignoranter contigerit attentari.

§. 3. Non obstantibus Constitutionibus & Ordinationibus Apostolicis, ac, quatenus opus sit, dictae Congregationis Ecclesiasticae, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Obstantium derogatio.

Datum Romae apud S. Mariam Majorem sub annulo Piscatoris die 20. Maji 1732. Pontificatus Nostri Anno Secundo.

F. Card. Oliverius.

LXI.

Confirmatur Decretum Congregationis Episcoporum & Regularium quo confirmatur resolutio nuperi Capituli Generalis Ordinis Bethlehemitarum in Indiis Occidentalibus, ut Officialium electio in unaquaque Domo per Praefectum, & quatuor Definidores Generales fiat.

Dat. die 27. Maji 1732. Pontif. An. II.

CLEMENS PAPA XII.

Ad futuram rei memoriam.

NUper pro parte dilectorum filiorum Vocalium Capituli Generalis Ordinis Bethlehemitarum in Indiis Occidentalibus, Congregationi Venerabilium Fratrum Nostrorum S. R. E. Cardinalium, negotiis & consultationibus Episcoporum & Regularium praeposita, exposito, quod in Constitutionibus ejusdem Ordinis a se. re. Innocentio PP. XI. Praedecessore Nostro confirmatis, statuebatur, electiones Praefecti, Vice-Praefecti, quatuor Discretorum, & Majorum Infirmariorum, ac Procuratorum cujuscumque Domus & Hospitalis, spectare ad Religiosos Domus & Hospitalis hujusmodi, ad formam earumdem Constitutionum votum habentes: Verum quia experientia quadraginta & ultra annorum compertum erat, quamplura inconvenientia in praedictum etiam regularis observantiae orta fuisse ac in dies oriri ex praedicto modo faciendi dictas electiones, ideo in eodem Capitulo Generali in Civitate Mexican. mense Februario anno 1730. ad occurrendum hujusmodi absurdis & inconvenientibus, per pluralitatem suffragiorum resolutum fuerat, quod jus eligendi dictos Praefectum, Vice-Praefectum, Discretos, Majores Infirmarios, & Procuratores cujuscumque Domus, pertinere deberet ad Praefectum Generalem, & quatuor Definidores Generales una cum Secretario Generali, & Praefecto Domus, ubi fieri contingat hujusmodi electiones, necnon cum duobus aliis Religiosis, qui

Supplex libellus.

Per Constitutiones Ordinis electiones Officialium Religiosis cujuscumque Domus concedi.

Ex Decreto vero postremi Capituli Generalis Praefecto Gener. & Definitoribus Gener. committi.

qui munus vel Generalis vel Assistentis Generalis vel Vice-Generalis vel Praefecti alicujus Domus obierint: his omnibus deficientibus cum Religiosis magis antianis, quos reperiri contingat in Domo, in qua fieri debeant electiones praedictae, & ad eas procedendum esset per scrutinium & vota secreta, ita tamen, ut ex novis suffragiis, ut supra, adhibendis, quinque pro electione canonica, sufficiant: Et in eadem expositione subjuncto, quod in praedicto Capitulo Generali sancitum fuerat, quod ejusmodi electiones fieri debeant de triennio in triennium, absque eo quod prorogari possint, nec quod ullus in Praefectum ejusdem Domus reelegi queat, ita quod si triennium exspiraverit, & non potuerit ob absentiam Patris Generalis procedi ad praedictas electiones seu alteram ex illis, tunc Vice-Generalis cum suis Assistentibus eligat per scrutinium ut supra Praesidentem illius Domus seu Domorum, quae Praefecto indigerent, donec perveniant literae patentes Electi vel Electorum in Praefectum seu Praefectos. Et hoc ipsum servandum sit in casu obitus vel renunciationis dictorum Electorum; & in absentia Patris Generalis possit Vice-Generalis admittere tales renunciationes, in juncto tamen eidem onere certiorandi dictum Praefectum Generalem, ut servata forma superius expressa possit ad electiones devenire, ut fufius habebatur ex particulari resolutione capta in eodem Capitulo generali; Ac proinde pro parte Vocalium memorati Capituli generalis eidem Congregationi Cardinalium supplicato, ut praevia derogatione Constitutionum Ordinis in dicto Capitulo IX. §. XVI. praedictam resolutionem confirmaret, ad hoc ut executioni mandari possit; Emanavit a praedicta Congregatione Cardinalium Decretum tenoris sequentis, videlicet:

Hujusmodi vero electiones quolibet faciendas triennio.

Pro his omnibus petitionibus.

Decret. Congregat. hae approbans.

triennium, ob absentiam Generalis non pervenisset provisio ab eodem capta, tunc Vice-Generalis cum suis Assistentibus eligat Praesidentem illius Domus, ubi erat facienda electio, qui eam gubernet pro interim: Quod erit observandum in casu obitus aut renunciationis Electorum ante triennium; Et quod ob absentiam Generalis valeat Vice-Generalis admittere renunciationes Electorum, cum obligatione tamen de iis certiorandi Patrem Generalem, ad hoc ut possit dare opportunas providentias pro electione Successorum. Romae die 2. Maji 1732. Cardinalis Franciscus Barberinus. Loco & sigilli. I. Archiepiscopus Cor. Secretarius.

Confirmatur.

§. 2. Cum autem, sicut praedicti Vocales Nobis subinde exponi fecerunt, ipsi praemissa, quod firmius subsistant, & serventur exactius, Apostolica confirmationis nostrae patrocinio communiti plurimum desiderant; Nos ipsos Vocales specialibus favoribus & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis Sententiis, censuris, & poenis, a jure vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes & absolutas fore censentes, supplicationibus, eorum nomine Nobis super hoc humiliter porrectis, inclinatis, Decretum praesentium auctoritate Apostolica tenore, praesentium approbamus & confirmamus; illique inviolabilis Apostolicae firmitatis robur adicimus: salva tamen semper in praemissis auctoritate Congregationis eorumdem Cardinalium.

Clausula.

§. 3. Decernentes, easdem praesentes literas firmas, validas, & efficaces existere, & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus praemissis, ac Constitutionibus & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis ac ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud S. Mariam Majorem sub annulo Piscatoris die 27. Maji 1732. Pontificatus Nostri Anno Secundo.

F. Card. Oliverius.

Mm 2

XLII. De

LXII.

Dat. die 10.
Junii 1732.
Pontif. An. II.

Declaratio, quod Provincia Gallia, ac Conventus Beatæ Mariæ Miraculorum de Urbe Tertii Ordinis Sancti Francisci, comprehendantur in Brevis Sanctissimi Domini Nostri circa vias Crucis &c.

CLEMENS PAPA XII.

Ad futuram rei memoriam.

Alia Nos supplicationibus dilecti filii Bernardi Montere, Procuratoris Generalis Ordinis Fratrum Minorum Sancti Francisci de Observantia nuncupatorum, nomine Nobis humiliter porrectis inclinatis, decrevimus, ac indulgimus, ut loca pia, via Crucis seu Calvarii nuncupata, ad instar Stationum Montis Calvarii, in Ecclesiis ac locis piis Ministro Generali pro tempore existenti dicti Ordinis non subiectis, nec ab eo dependen. per Fratres Ordinis præfati tunc erecta & imposterum erigenda, eisdem indulgentiis ac privilegiis fruere & gauderent, quibus fruebantur & gaudebant erecta in Ecclesiis & locis Ordinis prædicti: ita tamen, ut quoad deinceps erigenda modus & forma servarentur, quibus ejusmodi erectiones in Ecclesiis & locis dicti Ordinis eatenus fieri consueverant, & accederet licentia Ordinarii loci, ac consensus Parochi, & Superioris Ecclesiæ & loci pii, ubi de eis erigendis agi contingeret, & aliis, prout uberius continetur in nostris desuper in simili forma Brevis, expeditis Literis, tenoris, qui sequitur, videlicet:

§. 1. CLEMENS PP. XII. *Ad futuram rei memoriam.* Exponi Nobis nuper fecit dilectus filius Bernardus Montere, Procurator Generalis Ordinis Fratrum Minorum Sancti Francisci de Observantia nuncupatorum, tam suo, quam dilecti etiam filii moderni Ministri Generalis dicti Ordinis nomine, quod, cum antiqua vigeret ac etiamnum vigeat in Ordine hujusmodi consuetudo erigendi & instituendi per illius Fratres, in vim facultatis sibi alias a Sede Apostolica concessa, pia loca, via Crucis seu Calvarii nuncupata, ad instar Stationum Montis Calvarii, nedum in eisdem Ordinis, sed etiam in aliis Ecclesiis ac locis, ab eo minime dependentibus; isque mos in universis Regnis Hispaniarum, ac plurimis Italia regionibus semper antehac retentus fuerit, & adhuc de præfati fervetur: Licetque dudum fel. rec. Innocentius PP. XII. Prædecessor Noster ad preces tunc in humanis agentis Francisci Diaz, dum viveret, Commissarii Generalis pro ultramontana Familia dicti Ordinis, præfata loca pia via Crucis seu Calvarii sub quibusdam rec. mem. Innocentii PP. XI. Prædecessoris quoque nostri literis in simili forma Brevis die 5. Septembris 1686. super confirmatione diversarum Indulgentiarum & Privilegiorum ipsius Ordinis editis, comprehendit, ac proinde frui & gaudere posse Indulgentiis & Privilegiis in literis hujusmodi concessis & expressis, declarasset per

suas itidem in forma Brevis die 5. Decembris 1696. desuper expeditas Literas, idque absque limitatione ac restrictione dictorum locorum via Crucis seu Calvarii ad Ecclesias & loca Ordinis præfati factum fuisset; Nihilominus aliqui existimantes facultatem, illa erigendi & instituendi ad Ecclesias & loca Ordinis prædicti: Indulgentias vero & Privilegia ejusmodi ad personas, obedientia ac directioni pro tempore existentis Ministri Generalis ejusdem Ordinis subiectas, respective limitata & restricta esse, a piæ mem. Benedicto PP. XIII. etiam Prædecessore Nostro, Indulgentias & privilegia præfata ad quoscumque utriusque sexus Christianos, dicto Ministro Generali non subiectos, qui tamen ejusmodi loca pia Crucis seu Calvarii penes Fratres prædicti Ordinis, private quoad alios quoslibet, visitarent, ibique memoriam Dominicæ Passionis devote recolere, aliaque injuncta opera peragerent, extendi & ampliari obtinuerunt, prout in ipsius Benedicti Prædecessoris Literis sub plumbo, anno Incarnationis millesimo septingentesimo vigesimo sexto, quinto Nonas Martii, Pontificatus sui anno Tertio, emanatis, uberius continetur.

§. 2. Cum autem, sicut eadem expositio subijungebat, ipse Bernardus non minus ratione sui officii Procuratoris Generalis hujusmodi, quam de expresse mandato dicti moderni Ministri Generalis, ad enatam occasione præmissorum confusionem tollendam, remque in statum pristinum restituendam, prædicta loca pia via Crucis seu Calvarii per eosdem Fratres, etiam in Ecclesiis & locis, quæ non sint dicti Ordinis, erecta & erigenda, eisdem Indulgentiis & Privilegiis gaudere per Nos declarari summo opere desideret, quemadmodum ab ipso Benedicto Prædecessore, postquam Litera suæ præfate prædicant, ad supplicationem dilectæ in Christo filie Nobilis Mulieris Violantis a Bavaria, Principissa Etruria Vidue, Fratris Recesius Sancti Francisci ad Montem Florentinum, & Conventus de Ambrosiana nuncupat. dicti Ordinis in vim ejusdem rescripti die 10. Novembris 1729. ejus jussu editi, concessum fuisse memoratur; Nobis propterea humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur. Nos igitur ejusdem Bernardi votis hac in re, quantum cum Domino possumus, favorabiliter annuere cupientes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes & absolutum fore censentes: necnon utriusque Innocentii, & Benedicti Prædecessorum literarum præfatarum tenores, & alia quæcumque, etiam specificam & individuum mentionem & expressionem requirementia, præsentibus pro plene & sufficienter expressis & specificatis, habentes, hujusmodi supplicationibus inclinatis, quod prædicta loca pia via Crucis seu Calvarii, in Ecclesiis, Oratoriis, Monaste-

neriis, Hospitalibus, & aliis itidem piis locis, ipsi Ministro Generali non subiectis, nec ab eo dependentibus, per Fratres dicti Ordinis nunc erecta, & in posterum erigenda in Ecclesiis & locis Ordinis præfati, auctoritate Apostolica tenore præsentium decernimus & declaramus; ac, quatenus opus sit, de novo concedimus & indulgemus; ita tamen, ut quoad illa sic deinceps erigenda modus & forma serventur, quibus ejusmodi erectiones in Ecclesiis & locis Ordinis prædicti hæcenus fieri consueverunt, & accedat licentia Ordinarii loci, ac consensus Parochi, & Superiorum Ecclesiæ, Monasterii, Hospitalis, & loci pii, ubi de eis pro tempore erigendi agi contingerit.

§. 3. Decernentes, pariter eandem præsentem literas semper firmas, validas & efficaces existere & fore, suosque plenarios & integros effectus sortiri & obtinere; ac illis ad quos spectat, & pro tempore spectabit, plenissime suffragari; sicque, & non aliter in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus præmissis, ac nostra & Cancellariæ Apostolicæ Regula de non concedendis Indulgentiis ad instar, & aliis Constitutionibus & Ordinationibus Apostolicis, cæterisque contrariis quibuscumque.

§. 5. Volumus autem, ut præsentium literarum transumptis seu exemplis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides in judicio & extra illud adhibeatur, quæ ipsis præsentibus adhiberetur, si forent exhibitæ vel ostensæ. Datum Romæ apud Sanctam Mariam Majorem sub Annulo Piscatoris die 16. Januarii 1732. Pontificatus nostri anno Primo. F. Card. Oliverius.

§. 6. Cum autem, sicut pro parte dilectorum filiorum Procuratorum Provinciarum Gallia Fratrum Tertii Ordinis ejusdem Sancti Francisci, ac Guardiani Conventus Beatæ Mariæ Miraculorum nuncupat. de Urbe, ipsius Tertii Ordinis, Nobis nuper expositum fuit, tametsi Fratres Tertii Ordinis hujusmodi, utpote prædicto Ministro Generali Ordinis Fratrum Minorum Sancti Francisci de Observantia, ejusque jurisdictioni subiecti, pro certo habeant, se in literis nostris præinsertis comprehensos esse, quia tamen expressa ac individua eorum in dictis literis mentio facta non fuit, vareantur, ne hoc prætextu aliqua forsitan sibi desuper moveatur difficultas, aut impediatur, quominus earumdem literarum commodum & effectu pacifice, potiri valeant: Nobis propterea exponentes præfati humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur. Nos igitur ipsos exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliis-

que ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinatis, Fratres Tertii Ordinis Provinciarum Gallia, ac Conventus Beatæ Mariæ Miraculorum de Urbe in præinsertis literis nostris ad omnes effectus inibi expressos comprehendi, eisdemque literas Fratribus prædictis in omnibus & per omnia plenissime suffragari debere perinde, ac si de ipsis Fratribus individua mentio in eis facta fuisset, auctoritate Apostolica tenore præsentium decernimus quoque, & declaramus.

§. 7. Non obstantibus Constitutionibus & Ordinationibus Apostolicis, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 10. Junii 1732. Pontificatus Nostri Anno Secundo.

F. Card. Oliverius.

LXIII.

Confirmatur Decretum Congregationis Episcoporum & Regularium super divisione Provinciarum Austriæ Inferioris Ordinis Fratrum Minorum S. Francisci Conventualium nuncupatorum in duas Provincias Austriæ Inferioris unam, alteram vero Silesiæ & Moraviæ.

Dat. die 10.
Junii 1732.
Pontif. An. II.

CLEMENS PAPA XII.

Ad futuram rei memoriam.

Nuper pro parte dilectorum filiorum Fratrum Provinciarum Austriæ Inferioris Ordinis Minorum S. Francisci, Conventualium nuncupatorum, Congregationi Venerabilium Fratrum Nostrorum S. R. E. Cardinalium, negotiis & consultationibus Episcoporum & Regularium præpositæ, exposito, quod cum eadem Provincia Conventibus in dicta Austria, ac Silesia, & Moravia constans reperiretur, consideratum fuerat pro majori quiete, tam necessaria Regulari vitæ, illam separatione de præfati indigere; cum experientia compertum sit, quod inter Austriacos ex una, & Silesios ac Moravos ex altera partibus mutua tranquillitas, nisi Provinciam hujusmodi separando, conciliari nequiverat: Ideoque prædictæ Congregationi Cardinalium supplicato, ut denuo eandem Provinciam separaret, formando unam ex septem Conventibus, & duarum Residentiarum in Silesia & Moravia, consistentibus, & relinquendo solam Provinciam Austriæ Inferioris infra & supra Anasum flumen, quæ novem Conventibus, & unico Monialium Monasterio, quarum cura quatuor Religiosis hujus Provincie committitur, constabit; & hac ratione, duarumque Provinciarum distinctione formanda, querimonie, quæ inter utriusque nationis Religiosos exortæ sunt,

Supplex Libellus Congregationis datus pro obtinenda separatione.

tae sunt, cessabunt; ac pro eiusmodi destinatione Provinciarum charissimus in Christo filius noster Carolus Hispaniarum Catholicus, & Romanorum Rex in Imperatorem electus, mentem suam super praemissis declaraverat, quemadmodum ex relatione ad eisdem Cardinales transmissa a Venerabili Fratrem Dominico Archiepiscopo Ephesin. ad eundem Carolum Regem, & Imperatorem electum, Nostro & Apostolicae Sedis Nuncio, qui in faciem loci huius divisionis necessitatem agnovit, constare dicebatur: Emanavit a praedicta Congregatione Cardinalium Decretum tenoris, qui sequitur videlicet:

S. Congregationis Decretum.

§.1. Sacra Congregatio Eminentissimorum & Reverendissimorum S. R. E. Cardinalium, negotiis & consultationibus Episcoporum & Regularium praeposita, attenta relatione P. Ministri Generalis Ordinis, benigne rescripsit pro approbatione, sive pro gratia divisionis Provinciae iuxta modum: Nempe quod divisio fiat eorum tantummodo Conventuum, qui de praesenti constituunt Provinciam Austriacam, assignatis illis, qui sunt infra & supra Anasum Austriacis, & remanentibus caeteris, cui videlicet Moravis & Silesitis pro altera Provincia erigenda. Divisio vero huiusmodi faciendi tenore praesentium committitur P. Generali cum omnibus opportunis & necessariis facultatibus, & signanter convocandi in utraque Provincia distincta Capitula, in quibus eligi debebant Superiores tam custodiales quam locales, iuxta Constitutiones Ordinis: firmatis tamen prius, & ante electionem Superiorum assignatis Conventibus, & divisio in Custodias; necnon destinandi Conventus pro studiis tam Philosophicis quam Theologicis, & Moralibus; quinimo pro unico Novitiatu in unaquaque Provincia, & Professoriis, iuxta necessitatem. Romae die 23. Maji 1732. Cardinalis Barbarinus. F. Archiepiscopus Con. Secretarius. Loco * Sigilli.

Confirmatur.

§.2. Cum autem, sicut praedicti Fratres Nobis subinde exponi fecerunt, ipsi Decretum huiusmodi, quo firmius subsistat, & servetur exactius, Apostolica confirmationis nostrae patrocinio communiti summopere desiderant; Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodate existant, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinati, Decretum praesentem auctoritate Apostolica tenore praesentium confirmamus & approbamus, illique inviolabilis Apostolicae firmitatis robur adjicimus; salva tamen semper in praemissis auctoritate Congregationis dictorum Cardinalium.

Clausula.

§.3. Decernentes, easdem praesentes literas semper firmas validas & efficaces existere & fore, suosque plenarios & integros effectus sortiri & obtinere; ac dictis Expo-

nentibus, & ab illis, ad quos spectat & pro tempore spectabit, inviolabiliter observari & sicque in praemissis per quoscumque Judices ordinarios & delegatos, etiam Caesarum, Palatii Apostolici Auditores, iudicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus praemissis, ac Constitutionibus & Ordinationibus Apostolicis, necnon, quatenus opus sit, Ordinis & Provinciae, ac Conventuum huiusmodi, etiam iuramento, confirmatione Apostolica, aut quavis firmitate alia roboratis statutis & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis aliis in suo robore permanentibus, & praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud S. Mariam Majorem sub Annulo Piscatoris die 10. Junii 1732. Pontificatus Nostri Anno Secundo, F. Cardinalis Oliverius.

LXIV.

Confirmatur Decretum Definitorii, & Vocatum Capituli Provincialis Provinciae Sanctae Mariae Hungariae Ordinis Fratrum Minorum Sancti Francisci de Observantia, Reformatum nuncupatorum, super acceptatione alternativae tripartitae in eadem Provincia, & distributione officiorum inter Fratres Nationis Hungariae, Germanicae, Slavonicae.

Dat. die 16 Junii 1732 Pontificatus An. II.

CLEMENS PAPA XII.

Ad futuram rei memoriam.

EXponi Nobis nuper fecit dilectus filius Fulvius a Bononia, Procurator Generalis Ordinis Fratrum Minorum Sancti Francisci de Observantia, Reformatum nuncupatorum, quod cum alias Venerabilis Frater Mathaeus Archiepiscopus Panormitan., qui tunc temporis Ministri Generalis dicti Ordinis munereungebatur, per quasdam suas Patentes literas die 11. Martii 1727. emanatas, in Provincia Hungariae eorundem Fratrum Reformatum tripartitam alternativam in omnibus electionibus, officiorum distributionibus, inter Fratres totidem Nationum, nempe Hungaricae, Germanicae, & Slavonicae, Novitiorum vestitionibus, Conventuum partitionibus, aliisque dispositionibus, quae distributivam iustitiam inter nationes huiusmodi inducere & fovere valeant, perpetuis futuris temporibus adamussum servandam esse sanxisset; idque etiam a fel. rec. Benedicto PP. XIII. Praedecessore Nostro per quasdam suas Literas die 4. Aprilis ejusdem anni

Explicio

anni expeditas confirmasset: Verum nonnullis Fratribus contradicentibus, aliisque annuentibus, literae praedictae executioni demandatae fuerint, ideo ut dissentione animorum penitus evulsa ad concordiam omnes partes reducerentur, de speciali mandato Superioris Generalis ejusdem, & ad instantiam partium coram Commissario Visitatore Generali, tum omnes Religiosi emeriti Provinciae, qui praesertim Praelaturarum officium gesserant, tum actuales Minister Provincialis, necnon Custos, atque Definidores una cum Exdefinitoribus Generali, insimul congregati, matura praemissa consultatione, praedictis Benedicti Praedecessoris literis earumdem literarum Patentium confirmatorum unanimiter die 7. Martii 1730. assensum praestiterunt: sponte ac libere id ipsum acceptarunt: futuris quoque temporibus inviolabiliter observare sponderunt: perpetuumque silentium demandarunt, & alias, prout uberius continetur in decreto acceptationis huiusmodi desuper facto, tenoris, qui sequitur, videlicet:

Fr. Sigismundus Kerpin, Ordinis Minorum Strictioris Observantiae S. P. N. Francisci Concionator, Sacrae Theologiae Lector, & Custos actualis, ac Almae itidem Provinciae Sanctae Mariae Hungariae Commissarius Visitator Generalis.

Omnibus & singulis hujus Almae Provinciae dilectissimis Patribus & Fratribus salutem & sanctam pacem.

Decretum de quo in Rubrica.

Ad Rom. 12. n. 4.

§.1. Quemadmodum Seraphici Spiritus amorem Dei, ita & corporis nostri membra dilectionem proximi significant, edocentque: Sicut in uno corpore multa membra habemus, omnia autem membra non eundem actum habent; ita multi unum corpus sumus in Christo, singuli autem alter alterius membra. Quapropter sicut membrum unum ab altero separari quammaxime reformidat, pari modo & nos omnem divisionem, omnem disensionem, omnem charitatis laesionem vehementissime timeamus, necesse est: solliciti semper servare unitatem spiritus, & fraternae Charitatis. Caput nostrum Christus est, & nos membra ejus, Christum non diligit, qui ejus membra negligit. Tanta in humani corporis membris inest copula, tantus amor, tamque inseparabilis & insuperabilis dilectionis unitas, ut unum sine alio non valeat gaudere. Lætitia illis communis est, poena aequalis, ita quod uni tribuitur, caetera se recepisse gratulentur, ait Laurentius Justinianus de Ligno vitae. Ita etiam Christo fit, quod corpori Christi irrogatur, dicente illo: Amen dico vobis, quamdiu feceritis uni ex Fratribus meis minimis, mihi feceritis; & ad Saulum: Saul, Saul quid me persequeris? Bene hic advertit Augustinus, quod Saulus non Christum, sed membra, hoc est fidelis ejus sit persecutus; Noluit tamen dicere Sanctos meos, Servos meos, postremo honorabilis, Fratres meos, sed me, hoc est membra mea, quibus ego sum Caput. Dignum est, ut nos membra sequamur, quo Caput nostrum praerit; praerit

Matth. 25. v. 40.

Act. 9. v. 4.

Tractat. 8. Joannis.

vit Christus, & praecipit: Mandatum novum do vobis, ut diligatis invicem, sicut dilexi vos. Dilexit nos Christus dulciter absque amaritudine, sed ex benevola affectione, bonum nobis volens, fovens, & faciens: Dilexit nos efficaciter absque fictione, sed opere, & veritate, omnibus benefaciendo, docendo universos; sic ergo & nos diligamus invicem, Fratres enim sumus: Ecce quam bonum & quam jucundum, habitare Fratres in unum. Nihil aequè oblectat animum quam hæc fraterna charitas; nullum habet laborem, ingentem vero voluptatem. Ablata unione, corpus corruat necesse est: & extincta charitate dissolvitur omnis Religio. Contra verò, quemadmodum corpus nostrum per unionem partium suarum bene dispositarum, sibi quæ invicem succurrentium, subsistit; sic similiter Congregatio religiosa firmatur & formatur in suo esse corporis moralis, si singula membra strictam unionem habeant, sibi quæ invicem per vinculum mutuae charitatis firmiter cohaereant. O ter quaterve beatam Religionem, cujus membra fraternae dilectionis spiritu compaginantur. Eugenius PP. IV. in literis datis ad Fratrem Albertum de Sarciano, tunc Vicarium Generalem, Seraphico nostro Ordini sequens preclarum dedit elogium: Ordo tuus, inquit, in Seraphicae Charitatis ardore in principio fundatus, tamquam secundus plantationum hortulus uberrimos buccisque protulit fructus. Dum enim plantati ex primo Beati Francisci vite palmites in Religione, honestate, sanctimonia, in primis ipsa charitate excolti fuerunt, in tantum est ea plantatio propagata, ut, per universum orbem diffusa, maximis Sacrarum literarum veritatibus, humilitatis & patientiae divitiis abundans, populos repleat, saginetque divini eloquii pabulo, & pulvis ignorantiae tenebris, sanctae conversationis amore desiderioque inebriet. Et Orbis Terrarum in cujus singulas partes particulas penetrastis, illa ipsa, quam in vobis viderit, fenserit, adoraverit, ardeat charitate, faciatque exemplum a vestra vita sumptum; & quod vobis maximum, & in intentione primarium esse debet, animas vestras vel ea ratione salvas faciatis, qui proximas inde curabitis lucrifacere. Hæc Pontifex.

§.2. In cujus argumentatione hoc mihi notare fas est, quod, sicut speravit exemplum fraternae charitatis profuturum aliis ad edificationem, & vobis ad salutem, ita exemplum discordiae futurum sit mundo in scandalum, & vobis ipsis in damnam. nem sempiternam; inde profecto lachryma, inde dolor sensibilis sauciavit animam, dum ingressus hanc almam Provinciam audivi, & experimento proprio didici, miras fore, & augere, in dies animorum scissiones, discordias, & contentiones, Fratribus in diversos sensus abeuntibus; quibusdam nempe laudantibus & obedienter acceptantibus, aliis vero sub praetextu enormis laesionis, & gravis illatae injuriae, multifarie multisque modis & mediis impugnantibus decretum Reverendissimi Patris Ministri Generalis a Sanctissimo Domino Nostro PP. Benedicto XIII. in forma Brevis confirmatum, ac ante triennium in-

Joan. 13.

Psal. 132.

Con-